

Ո Ր Ո Շ ՈՒ Մ N 357/1
վարչական տույժ նշանակելու մասին

«15» մարտի 2022թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Զարե Դենտ» ՍՊ ընկերության (ՀՎՀՀ՝ 00434618, հասցե՝ ք. Երևան, Արցախի 28 շ., բն. 53) տնօրեն Զարե Տանեյանի (անձնագիր՝ AT0421814) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Զարե Դենտ» ՍՊ ընկերության տնօրեն Զարե Տանեյանը դիմում է ներկայացրել Արարատյան մաքսատուն-վարչություն (ԱՄՎ մուտք թիվ 3936 առ 11.03.2022թ.) և հայտնել, որ «Զարե Դենտ» ՍՊ ընկերության անունով, համաձայն թիվ 05100010/231121/0075749 ապրանքների հայտարարագրի, հայտարարագրվել է բեռ: Տեղեկացրել է, որ հայտարարագրում կա ԱՏԳ ԱԱ ծածկագրի անհամապատասխանություն, և ՀՀ ՊԵԿ հետբացթողումային հսկողության վարչության 07.03.2022թ. թիվ 9-1/15060-2022 գրությամբ ընկերությանն առաջարկվում է վերը նշված սխալ 9021219000 ԱՏԳ ԱԱ ծածկագիրը փոխարինել ԱՏԳ ԱԱ 90212110000 ծածկագրով: Հայտնել է նաև, որ վճարումները կատարված են, բեռը բացթողնված է: Խնդրել է թույլտվություն վերը նշված բոլոր ապրանքների հայտարարագրում կատարել ճշգրտում:

Փաստի առթիվ 15.03.2022թ.-ին ՀՀ ՊԵԿ Արարատյան մաքսատուն-վարչության գլխավոր մաքսային տեսուչ-հրավաբանի կողմից «Զարե Դենտ» ՍՊ ընկերության տնօրեն Զարե Տանեյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 15.03.2022թ. ժամը 10:30-ին, ինչի անցկացման վայրի և ժամանակի մասին ծանուցումն առձեռն հանձնվել է Զարե Տանեյանին: Վերջինս ներկայացել է գործի քննությանը և առարկություն չի ներկայացրել:

Նյութերի ուսումնասիրությունից պարզվել է, որ «Զարե Դենտ» ՍՊ ընկերության տնօրեն Զարե Տանեյանի կողմից ընկերության անունով թիվ 05100010/231121/0075749 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է բեռ, սակայն հայտարարագրում ԱՏԳ ԱԱ 90212110000-ի ծածկագրի փոխարեն հայտարարագրվել է 9021219000, այսինքն՝ հայտարարագրողը ներկայացվել են ոչ ճշգրիտ տեղեկություններով:

Թիվ 05100010/231121/0075749 հայտարարագրի 2-րդ ապրանքատեսակը ենթակա է հայտարարագրման ԱՏԳ ԱԱ 90212110000 ծածկագրով, որի արդյունքում կառաջանար մաքսային վճարների պակաս հաշվարում՝ ընդհանուր **87,582 ՀՀ դրամի** չափով (հիմք՝ զեկուցագիր թիվ Ն/20-1/42086-2022 առ 11.03.2022թ.):

ԵԱՏՄ Մաքսային Միության Հանձնաժողովի 20.05.2010թ-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա սյունակները, որոնց մեջ ներառված է նաև 33-րդ սյունակը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում՝ հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:


Այսպիսով, «Զարե Դենտ» ՍՊ ընկերության տնօրեն Զարե Տանեյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով առաջացել է մաքսային վճարների պակաս հաշվարկում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար «Զարե Դենտ» ՍՊ ընկերության տնօրեն Զարե Տանեյանին ենթարկել վարչական պատասխանատվության՝ տուգանելով **43,791 ՀՀ դրամի** չափով:
2. Որոշման մասին հայտնել «Զարե Դենտ» ՍՊ ընկերության տնօրեն Զարե Տանեյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈՂ 27**):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ